



SINCE 1994  
**FASTCREDIT**

C R E D I T O R G A N I Z A T I O N

«Ֆասթ Կրեդիտ Կապիտալ» ՈւՎԿ ՓԲԸ  
"Fast Credit Capital" UCO CJSC

ԳՂ, 0047 ք. Երևան, Նորթ Մարաշ, Գ. Հովսեփյան 32/6  
32/6 G. Hovsepyan, Nork Marash, Yerevan, 0047, RA

Հ/Թ: (+374 10) 51 00 00  
Է/Է: info@fcc.am

FC1520E#29-22/CB

09.08.2022թ.

**« ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ  
ՄԱՐՏԻՆ ԳԱԼՍՅԱՆԻՆ**

**Հարգելի՛ պարոն Գալստյան,**

Հաշվի առնելով ՀՀ ԿԲ Խորհրդի 2008թ-ի դեկտեմբերի 30-ի թիվ 373-Ն որոշմամբ հաստատված «Ազդագիր և հաշվետու թողարկողների հաշվետվություններ» կանոնակարգ 4/04-ի 43-րդ կետը՝ Ձեզ ենք ներկայացնում «Ֆասթ Կրեդիտ Կապիտալ» ՈւՎԿ ՓԲԸ 2021թ-ի տարեկան գործունեության հաշվետվությունը:

Հարգանքով,

**Գործադիր տնօրեն/  
Տնօրինության նախագահ՝**



**Դանիել Ազատյան**

Կարարող՝ Էդմոնդ Էլոյան  
Հեռ.՝ (+374 10) 510 000, (15 01)



SINCE 1994  
FASTCREDIT



**«ՖԱՍՏ ԿՐԵԴԻՏ ԿԱՊԻՏԱԼ» ՈՒՎԿ  
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ**




**2021 ԹՎԱԿԱՆԻ ՀԱՇՎԵՏՈՒ ԹՈՂԱՐԿՈՂԻ  
ՏԱՐԵԿԱՆ ՀԱՇՎԵՏՎՈՒԹՅՈՒՆ**

**ՀԱՇՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆԸ**

Սույնով հաստատում ենք, որ մեր լավագույն տեղեկացվածության համաձայն՝ «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ (այսուհետ՝ Թողարկող) 2021թ. տարեկան ֆինանսական հաշվետվությունները ճշգրիտ և լիարժեք ձևով արտացոլում են «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը, իսկ կառավարման մարմինների 2021թ. տարեկան զեկույցը ճշգրիտ և լիարժեք ձևով արտացոլում է Թողարկողի ընդհանուր վիճակը, բիզնես արդյունքները և զարգացումը ու ներառում է այն հիմնական ռիսկերի նկարագիրը, որոնց հետ առնչվում է «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ-ն:

**Կազմակերպության Տնօրինության անդամներ**

Դանիել Ազատյան	Գործադիր տնօրեն/ Տնօրինության նախագահ		09.08.22թ
(անուն, ազգանուն)	(պաշտոն)	(ստորագրություն)	(ամսաթիվ)
Գարեգին Դարբինյան	Գործադիր տնօրենի տեղակալ/ Հարգացման տնօրեն/ Տնօրինության անդամ		09 08 22
(անուն, ազգանուն)	(պաշտոն)	(ստորագրություն)	(ամսաթիվ)

Աղասի Վարդանյան	Թվային բանկինգի տնօրեն/ Տնօրինության անդամ		09.08.22
(անուն, ազգանուն)	(պաշտոն)	(ստորագրություն)	(ամսաթիվ)
Սերգեյ Գասպարյան	Բիզնեսի կառավարման տնօրեն/ Տնօրինության անդամ		09.08.22
(անուն, ազգանուն)	(պաշտոն)	(ստորագրություն)	(ամսաթիվ)
Արտաշես Ավետյան	Գլխավոր հաշվապահ/ Տնօրինության անդամ		09.08.22
(անուն, ազգանուն)	(պաշտոն)	(ստորագրություն)	(ամսաթիվ)

**ՈՐՊԵՍ ՀԱՇՎԵՏՈՒ ԹՈՂԱՐԿՈՂ «ՖԱՍԹ ԿՐԵԴԻՏ  
ԿԱՊԻՏԱԼ» ՈՒՎԿ ՓԲԸ ԿԱՌԱՎԱՐՄԱՆ ՄԱՐՄԻՆՆԵՐԻ  
2021թ. ՏԱՐԵԿԱՆ ԶԵԿՈՒՅՑԸ**

**ՀԱՇՎԵԿՇՌԱՅԻՆ ՀԻՄՆԱԿԱՆ ՑՈՒՑԱՆԻՇՆԵՐ**

Հաշվետու տարվա վերջի դրությամբ «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ-ի (այսուհետ՝ Կազմակերպություն) ակտիվները կազմել են 62.1 մլրդ ՀՀ դրամ՝ 2021թ.-ի ընթացքում աճելով 5.7 մլրդ դրամով կամ 10.1%-ով:

Կազմակերպության ակտիվների գերակշիռ մասը բաժին է ընկնում հաճախորդներին տրամադրված վարկերին՝ 31.12.21թ.-ի դրությամբ կազմելով ակտիվների 84.3%-ը:

Կազմակերպության վարկային պորտֆելը 2021թ.-ի ընթացքում աճել է 4.7 մլրդ ՀՀ դրամով կամ շուրջ 10%-ով՝ 31.12.21թ.-ին կազմելով 52.3 մլրդ ՀՀ դրամ: Կազմակերպության ընդհանուր պորտֆելում ՀՀ դրամով վարկերի տեսակարար կշիռը բավականին բարձր է: Այսպես՝ հաշվետու ժամանակաշրջանի վերջի դրությամբ Կազմակերպության կողմից ՀՀ դրամով տրամադրված վարկերը կազմել են 47.8 մլրդ ՀՀ դրամ, իսկ դրանց կշիռը ընդհանուր պորտֆելում կազմել է մոտ 91.3%:

Կազմակերպության դրամական միջոցները (կանխիկ դրամական միջոցներ, մնացորդներ բանկերում) 31.12.21թ.-ի դրությամբ կազմել են 2.4 մլրդ ՀՀ դրամ, որը կազմում է Կազմակերպության ընդհանուր ակտիվների 3.9%-ը:

Ակտիվների աճին զուգընթաց 2021թ.-ի ընթացքում 3%-ով աճել են նաև Կազմակերպության պարտավորությունները՝ 31.12.20թ.-ին կազմելով 39.9 մլրդ ՀՀ դրամ:

2021թ.-ի ընթացքում ներգրավված փոխառությունները գրեթե չեն փոփոխվել՝ կազմելով 26.6 մլրդ ՀՀ դրամ, իսկ ֆինանսական կազմակերպություններից ստացված վարկերը աճել են 5.6 մլրդ ՀՀ դրամով: Այսպես՝ 31.12.20թ.-ի դրությամբ նշված փոխառությունները և վարկերը կազմել են 35.3 մլրդ ՀՀ դրամ՝ հաշվետու ժամանակահատվածի ընթացքում աճելով 17.5 %-ով:

31.12.21թ.-ի դրությամբ Կազմակերպության կապիտալը կազմել է 22.2 մլրդ ՀՀ դրամ՝ 31.12.20թ.-ի համեմատ աճելով 4.5 մլրդ ՀՀ դրամով, որը հիմնականում պայմանավորված է չբաշխված շահույթի ավելացմամբ:

## **ԵԿԱՄՈՒՏՆԵՐԻ ԵՎ ԾԱԽՍԵՐԻ ՀԻՄՆԱԿԱՆ ՑՈՒՑԱՆԻՇՆԵՐ**

Կազմակերպության զուտ տոկոսային եկամուտները դիտարկվող ժամանակահատվածի համար կազմել են 10,3 մլրդ ՀՀ դրամ:

Կազմակերպության գործառնական եկամուտները 2021թ.-ի ընթացքում 2020թ.-ի համեմատ աճել է մոտ 2.8 մլրդ ՀՀ դրամով, ընթացիկ տարվա հաշվետու ժամանակահատվածում կազմելով 11.5 մլրդ ՀՀ դրամ: Գործառնական ծախսերը 2021թ.-ին կազմել են 3.2 մլրդ ՀՀ դրամ:

31.12.21թ.-ի դրությամբ չաշխատող վարկերը (համաձայն ՀՀ ԿԲ ստանդարտների հսկվող, ոչ ստանդարտ, կասկածելի դասերով դասակարված վարկեր) կազմել են Կազմակերպության վարկային պորտֆելի 14.2%՝ նախորդ տարվա համեմատ աճելով 1.5%-ով: Պետք է նշել, որ դրանց գերակշիռ մասը ապահովված են բարձր իրացվելի թանկարժեք իրերի գրավներով:

Արդյունքում, 2021թ.-ին Կազմակերպությունը ունեցել է շուրջ 4.8 մլրդ ՀՀ դրամի զուտ շահույթ: Կազմակերպության ակտիվների շահութաբերությունը 2021թ.-ի վերջի դրությամբ կազմել է 8.1%, իսկ կապիտալի շահութաբերությունը՝ 24.1%:

## **ԿԱԶՄԱԿԵՐՊՈՒԹՅԱՆ ԱՇԽԱՏԱԿԻՑՆԵՐԸ**

Հաշվետու ժամանակահատվածի ընթացքում շարունակել է աճել Կազմակերպության աշխատակիցների քանակը՝ 31.12.2021թ.-ի դրությամբ հասնելով 636-ի, որը 8%-ով գերազանցում է նախորդ տարվա ցուցանիշը:

Կազմակերպությունը իր աշխատակիցների համար կազմակերպում է թրեյնինգներ, վերապատրաստման դասընթացներ: Յուրաքանչյուր ստորաբաժանումում ունի վերապատրաստման պատասխանատու, ով կազմակերպում է թրեյնինգներ մասնաճյուղային ցանցի աշխատակիցների համար: Կազմակերպությունում գործում է Խորհրդի կողմից հաստատված վարձատրության հաշվարկման և վճարման կարգը, որը՝ ըստ ստորաբաժանման, յուրաքանչյուր

հաստիքի համար նախատեսում է լրավճար, պարգևավճար և հաստիքավճար: Ավելին, Կազմակերպությունում նախատեսվում է տարին մեկ անգամ աշխատավարձի վերանայում:

## **ՀԵՏԱԳԱ ԶԱՐԳԱՑՄԱՆ ՆԿԱՐԱԳԻՐ**

Առաջիկա տարիների համար Կազմակերպությունը կանխատեսում է ապահովել կայուն աճ իր հիմնական ֆինանսական ցուցանիշների գծով: Կազմակերպությունը վարկավորումը կթիրախավորի չորս հիմնական ուղղություններով՝ Մանրածախ, ՓՄՁ և կորպորատիվ, Գյուղատնտեսական և Հիփոթեք:

Ակտիվների աճը կզուգակցվի վարկային պորտֆելի շարունակական աճով: Ունենալով ինչպես դրամային, այնպես էլ արտարժութային ռեսուրսների զգալի պաշար՝ Կազմակերպությունը շարունակելու է ակտիվ վարկավորումը: Կազմակերպությունը տրամադրում է ծրագրային վարկեր «Բնակարան երիտասարդներին» ՎՎԿ ՓԲԸ-ի, «Ազգային հիփոթեքային ընկերություն» ՎՎԿ ՓԲԸ-ի հիփոթեքային վարկավորման ծրագրի շրջանակներում, ինչպես նաև տրամադրում է գյուղատնտեսական վարկեր գերմանական KFW բանկի կողմից ֆինանսավորվող ծրագրի շրջանակներում: Միաժամանակ, կազմակերպությունը իր սեփական միջոցներով կշարունակի վարկավորումը: Կազմակերպությունը կրկին պլանավորում է թողարկել դոլարային և դրամային պարտատոմսեր, ինչը նույնպես կխթանի վարկավորման գործընթացին:

Միջազգային հեղինակավոր կազմակերպությունների հետազոտությունների արդյունքները հանգում են այն եզրակացությանը, որ առաջիկա տարիների ընթացքում նորագույն տեխնոլոգիաների արագ զարգացումը, դեմոգրաֆիկ փոփոխությունները, հաճախորդների նոր տեսակի պահանջմունքների ձևավորումը և կարգավորող մարմինների վերահսկողական պահանջների խստացումը բանկային համակարգը կենթարկի լուրջ փոփոխությունների:

Վերոնշյալ գործոնները էական ազդեցություն կունենան նաև հայաստանյան ֆինանսական շուկայի վրա: Սույն գործոններով պայմանավորված՝ մարտահրավերներին դիմակայելու և դրանց շնորհիվ մրցակցային առավելություն ստանալու համար Կազմակերպության կողմից նախատեսվում է իրականացնել հետևյալ փոփոխությունները՝

Սպասարկման ցանցի ընդլայնում, սպասարկման գործընթացի օպտիմալացում և հեռահար սպասարկման հնարավորությունների ավելացում: Սպասարկման ցանցի ընդլայնումը պայմանավորված կլինի մասնաճյուղային ցանցի ավելացմամբ՝ հաճախորդներին առաջարկվող ծառայություններից օգտվելու հասանելիության և հարմարավետության բարձրացման նպատակով: Նշված փոփոխությունները կբարձրացնեն Կազմակերպության գործունեության արդյունավետությունը և կբարելավեն հաճախորդների կողմից մեր ծառայություններից օգտվելու հարմարավետությունը: 2021թ.-ին Կազմակերպությունը ունի 27 մասնաճյուղ Երևան քաղաքում և ՀՀ մարզերում:

✓ FC Bank բջջային հավելվածի ֆունկցիոնալության ավելացում և կատարելագործում, ինչը հնարավորություն կընձեռի մեր հաճախորդներին ավելի հեշտ ընկալել մեր կողմից առաջարկվող ծառայությունները և ավելի հաճախ օգտվել դրանցից (User friendly):

✓ Ավելի հաճախորդակենտրոն բիզնես մոդելի ձևավորում (Client Oriented), որը ենթադրում է հաճախորդների հետ հաղորդակցման գործընթացի բարելավում, ինչպես նաև ֆինանսաբանկային շուկայի ծառայությունների և սպասարկման նկատմամբ հաճախորդների կարիքների ավելի խորը ուսումնասիրություն և այդ կարիքներին բավարարող թիրախային լուծումների առաջարկում: Այս փոփոխությունների արդյունքում ակնկալվում է ստանալ հաճախորդների կողմից բարձրացված խնդիրներին ավելի արագ արձագանքում, հետադարձ կապի ուժեղացում, արդյունքում նպատակադրվելով մշտապես բարձրացնելու լոյալ հաճախորդների քանակը:



2021թ.-ի օգոստոսի 4-ին տրվել է նախնական համաձայնություն «ՖԱՍԹ ԿՐԵԴԻՏ ԿԱՊԻՏԱԼ» ՈՒՎԿ ՓԲԸ՝ վարկային կազմակերպության գործունեության տեսակի փոփոխման միջնորդագրին՝ բանկային գործունեության լիցենզիա ստանալու նախնական հավանությունը համարելով տրված: 2021թ.-ի դեկտեմբեր ամսից Կազմակերպությունը աշխատում է բանկային գործունեության հիմնական տնտեսական նորմատիվներով: Պլանավորվում է 2022թ.-ի ընթացքում համալրել Կազմակերպության Կանոնադրական կապիտալը:

## **ՌԻՍԿԵՐԻ ԱՄՓՈՓ ԲՆՈՒԹԱԳԻՐ**

Կազմակերպության գործունեության բնույթը ցույց է տալիս, որ այն առնչվում է ռիսկերի լայն սպեկտրի հետ: Ելնելով պորտֆելի կառուցվածքից պարզ է դառնում, որ ներկայումս Կազմակերպության գործունեությանը ներհատուկ հիմնական ռիսկերը դրանք շուկայական և վարկային ռիսկերն են:

## **ՎԱՐԿԱՅԻՆ ՌԻՍԿ**

Կազմակերպության խնդրահարույց վարկերի (համաձայն ՀՀ ԿԲ ստանդարտների հսկվող, ոչ ստանդարտ, կասկածելի դասերով դասակարգված վարկեր) ցուցանիշը 31.12.2021թ.-ին կազմել է 14.2%: Հարկ է նշել, որ դրանց գերակշիռ մասը ապահովված են բարձր իրացվելի թանկարժեք իրերի գրավներով: Մեծ մաս են կազմում սուբյեկտիվ դասակարգված վարկերը:

Կազմակերպության վարկային քաղաքականության հիմնական ուղղություններից մեկն է վարկային պորտֆելի դիվերսիֆիկացիայի բարձրացումը: Շարունակվում են համապատասխան միջոցառումներ իրականացվել վարկերի տրամադրման որոշումների կայացման ավտոմատացված համակարգերի ստեղծման՝ այդ թվում ներքին սքրինինգային համակարգերի ինտեգրմամբ:

## **ՇՈՒԿԱՅԱԿԱՆ ՌԻՍԿ**

Կազմակերպության գործունեությանը ներհատուկ հիմնական շուկայական ռիսկերն են արտարժույթի, տոկոսադրույքի և գնային ռիսկերը:

2021թ.-ի ընթացքում ՀՀ ԿԲ-ն 6 անգամ վերանայել է վերաֆինանսավորման տոկոսադրույքը, որի փոփոխությունը պայմանավորված էր կարգավորողի կողմից վարած դրամավարկային քաղաքականությամբ: Պայմանավորված աշխարհում և մասնավորապես ՀՀ-ում գնաճի բարձր մակարդակով՝ 2021թ.-ի ընթացքում վերաֆինանսավորման տոկոսադրույքը բարձրացվել է 2.25 տոկոսային կետով՝ կազմելով 6.25%: Վերաֆինանսավորման տոկոսադրույքի բարձրացումները, որպես հետևանք բերել են շուկայական տոկոսների աճին, ինչպես նաև ՀՀ դրամի արժևորմանը:

Հաշվետու ժամանակահատվածում Կազմակերպությունը ունեցել է կարճ դադարային դիրք, որը ամբողջությամբ գտնվել է կառավարելի մակարդակում: Եվրո և ՌԴ ռուբլի արտարժույթներով դիրքերը հիմնականում պահվել են փակ:

Կազմակերպության վարկային պորտֆելում գերակշիռ մաս են զբաղեցնում ոսկու գրավով տրամադրված վարկերը: Ներդրված է խնդրահարույց վարկերի գրավի բռնագանձման և վաճառքի բավական արդյունավետ գործընթաց, որի շնորհիվ ոսկու գների փոփոխությամբ պայմանավորված գնային ռիսկը հնարավորինս նվազեցվում է:

## **ԳՈՐԾԱՌՆԱԿԱՆ ՌԻՍԿ**

Կազմակերպությունում գործում է գործառնական ռիսկերի կառավարման արդյունավետ համակարգ, որի հիմնական բաղադրիչներից են գործընթացների արդյունավետ մշտադիտարկումը և կառավարումը, իրավասությունների և պարտականությունների հստակ ձևակերպումը և բաժանումը, ռիսկերի

հայտնաբերման, ուսումնասիրման և զսպման ուղղությամբ տարվող պարբերական աշխատանքները:

Կազմակերպությունը ապահովում է կառուցվածքի, գործարար գործընթացների, ռիսկերի կառավարման, հաշվետվողականության և վերահսկողության ներքին հսկողության համալիր համակարգ՝ ապահովելով Կազմակերպության ակտիվների պահպանումը, գործունեության անընդհատությունը, ներհատուկ ռիսկերի ժամանակին բացահայտումը ու կառավարումը, ինչպես նաև գործունեության համապատասխանության ապահովումը գործող օրենսդրությանը և Կազմակերպության ներքին իրավական ակտերին:

Կազմակերպությունում առկա են Ներքին աուդիտի, Ռիսկերի կառավարման և համապատասխանության ստորաբաժանումներ, որոնց գործառույթներից է նաև ներքին հսկողության համակարգի արդյունավետության բարձրացումը:

Ներքին դիտարկումների պատասխանատուն իրականացնում է փողերի լվացման, ահաբեկչության ֆինանսավորման դեմ ուղղված գործառույթներ, ինչի շրջանակներում դիտարկվում են ընկերությունում կատարված գործարքները, բացահայտվում են հնարավոր ՓԼԱՖ ռիսկերը և դրանց վերաբերյալ Կազմակերպության խորհրդին և լիազոր մարմնին ներկայացնում են հաշվետվություններ՝ ՓԼԱՖ դեմ պայքարի օրենքով և լիազոր մարմնի իրավական ակտերով սահմանված կարգով:

## **ԻՐԱՑՎԵԼԻՈՒԹՅԱՆ ՌԻՍԿ**

2021թ.-ին «ՖԱՍԹ ԿՐԵԴԻՏ ԿԱՊԻՏԱԼ» ՌԻՎԿ ՓԲԸ-ն իր գործունեությունը ծավալել է՝ ապահովելով իրացվելիության անհրաժեշտ մակարդակ: Կազմակերպության ակտիվների և պարտավորությունների կառուցվածքի համադրումից երևում է, որ պարտավորությունները հիմանականում միջնաժամկետ և երկարաժամկետ են, որոնք տեղաբաշխված են կարճաժամկետ և արագ իրացվելի թանկարժեք իրերի գրավով վարկերի տեսքով: Բացի այդ՝ նախորդ տարիների փորձը

ցույց է տալիս, սեփականատերերից ներգրավված փոխառությունների գծով հաշվեգրված տոկոսները նույնպես վերաձևակերպվել են փոխառության, հետևաբար քիչ հավանական է համարվում դրանց վաղաժամկետ մարումը: